

Ապրիլ) երեկոյիս եկայ. Մղտեսին և Հաճիմարն Գշի (24 Ապրիլ) եկան: Եւ օրս Առաջնորդն եկեալ ի մեր ժամս և երիցներուն վերայ ըստակ գրեաց թէ Զեկեղեցին կու շինեմ: Եւ օրս ըստ բառի աշխարհացն իմարեւելազ ասի, որ է Սուրբ Գէորգ: Նարդ տվին գառի և ոչխարի ժ ըստակ և Ը ըստակ. բայց յետոյ գլուխ չբռնեց նարդըս:

Ինչ-իս օր Շաբաթ. ի փուռն մեր հսապ արին և եղև սէնէի գլուխ: Եւ օրերքս լու եղև թէ Ֆոռանկն ի Պօղազն է եկեր:

Եւ Կիրակիս (29 Ապրիլ) Աշխարհամատրան. Թէ-քիրտաղցի Յովանէսն ի Մղսոնցն էր և մեք ի տեղն էաք: Եւ օրս լու եղև թէ Ներսէս վարդապետն վաղջանեալ է՝ դեղակուր արարեալ մի իշխան զնա վասն եղբօրն իւր, որ էր և նա վարդապետ և ցանկայր առաջնորդութեան Տաթևու<sup>1)</sup>: Եւ օրս ի Պուրսա հռոմոմն ուրացեալ զՔրիստոս և առեալ ընդ իւր Բ և Գ ընկեր և երթեալ ի տունն. և գայ ի միւս պահու եղբայր ուրացելոյն ի տուն և տեսանէ զնոսա և զեղբայրն իւր ուրացեալ և նստեալ անդ ի պատուի ընկերօքն. և ի բարկութիւն շարժեալ ասելով թէ Ուրացեալ ես զՔրիստոս Աստուածն ամենայնի և եկեալ ես ի տուն իմ հանգերձ չուն ընկերօքդ: Եւ հանեալ զսուրն անդէն սրախողխող արարեալ սատակեցուցանէ: Եւ իմացեալ անօրինացն յընկերացն զայս բան՝ ըմբռնեալ զնա տարեալ ի զատին և նոքա ողորջանօք և սպառնալեօք կամեցեալ դարձուցանել ի հաւատս իւրեանց. և նա քաջալերելով ասացեալ թէ Ոչ ուրանամ զՔրիստոս զի զուրացողն սպանի: Եւ զատին տայ ի ձեռս դահճին զի գլխատիցէ. և նա տարեալ եւ հատ գլուխ նորին և կատարեցաւ ի Քրիստոս:

1) Տաթևու.